



# ЯМДЕ-ЛИЙ

1933 ий 1 февраль годсек лектеш.

0+

## Кок пачаш ПУАЛ



Фотом еш архив гыч налме.


*Умбакыже  
3-шо лашты-  
кыште лудса.*

**Е**шлаште йыгыр йоча-влакым чўчкыдын от вашлий. 6 августышто Йыгыр-влакын тўнямбал кечыштым палемдыме нерген паленда? Параньга район Олор ялыште илыше Ксения ден Камелия, Денис ден Андрей **СТЕПАНОВМЫТ (снимкыште)** пайремлан

иквереш погынат. Нуно йыгыр пелаш Сергей ден Эдуард Константиновичын йыгыр ўдыр ден эргышт улыт.

– Ксения ден Камелия икте-весеыштым шижыт, пырля мяш тыршат, келшен модыт, вашла чаманат. Азашт годым иктыже

шортеш гын, весежат йўжым луктеш ыле, – оила ўдыр-влакын авашт. – Кеҗежым бассейныште йўжытылаш, телым курык гыч мунчалташ йўратат. Сўретлаш, мураш-кушташ кумылан улыт. Йыгыр икшывына-влак мыланна кок пачаш пиалым пўлекленыт.



## Идалыкын ешыже

«Идалыкын ешыже» всероссийский конкурсым иктешленит. Марий Элын чапшым Йошкар-Ола воктенысе Семёновко села гыч Смирновмыт еш (снимкыште) арален да «Шуко шочшан еш» тагасыште сенгышыш лектын. Ача Никита Александрович – бачышка, ава Светлана Николаевна – архитектор, шанче кандидат. Нуно 15 ий келшен илат, куд икшывышт уло. Елисей, Иоанна, Мария школышто «визытанлан» тунемыт, олимпиадылаште да конкурслаште ушакылыштым тергат да мастарлыкыштым ончыктат. Тыгак музыкальный школыш коштыт да түрлө семүзгар дене шоктат. Изирак икшыве-влакат чолга лияш тыршат.

– *Ме йоча-влакын чоныкышт йоратымашым шындараш тыршена. Кеч-могай пашам икте-весе дене каҥашен да пырля ыштена. Ойгым пырля сенен лектына. Ешнан девизше – «Пиал – лияш пырля», – ойлат ача-ава.*

**Х.АЛЕКСАНДРОВА** ямдылен.  
Фотом Интернет гыч налме.

## Российысе увер

Москосо Сенгымаш тоштер кажне кумылан еным «Россий Флагын түсшө-влак» онлайн-флешмобыш ушнаш үжеш. Флагысе түс-влакым кучылтын, мутлан, аппликацийым, кочкышым ыштен войзаш лиеш. Фото-влакым victor-gymuseum.ru сайтышке 19 август марте колтыман.

Андрей Первозваннийын фондшо 6-16 ияш ұдыр-рвезе-влаклан «Еш+школ» всероссийский йоча сүрет конкурсым эрта-ра. [Far.ru](http://Far.ru) сайтышке пурен, сүретым 5 сентябрь марте колтыман. Эн онгай сүретым почто открыткеш савыктат.

Йочасадыш коштышо, 1-11-ше класслаште тунемше ұдыр-рвезе-влак, «От мечты к открытиям» всероссийский конкурсышко ушныза. Шанче пашам возыза да 30 август марте [art-talant.org](http://art-talant.org) сайтышке колтыза.

## Марий Элысе увер

13 августышто Йошкар-Олаште Яков Эшпай лүмеш Марий кугыжаныш филармонийын у оралтыжым почыт. Тудо Вознесенский уремысе 75-ше номеран пörтыштö верланен.

«Паллада» парус клубын рвезыже-влак 7-8 августышто Свияжкыште эртара-ралтше «Калык пуш» фестивалышке ушнат. Тушто шке ыштыме пушыштым ончыктат. Нуно «Детская флотилия» проект почеш Козьмодемьянскыште тошто кидпашам илышыш уэш шындрат.

Республикысе йоча да самырык-влаклан В.Х.Колумб лүмеш книгагудо руш йоча серызе А.Волковын шочмыжлан 130 ий темме лүмеш «Писатель – волшебник» викториным эрта-ра. 13 августышто [rubcolumba.ru](http://rubcolumba.ru) сайтыште сенгышым ойырат.

1714 ий 9 августышто Петр I вуйлатыме руш флот Жангут мыс воктене швед-влакым сенен. Историыште руш флотын икымше сенымашыже лийын. 9 августышто

## Юзо метро

Озан олан сорааллык-шым ужаш мыланемат пиал шыргыжале. Эн öрыктарышыжлан метро шотлем. Тудо чылт юзо транспорт. Молан, маныда? Мланде йымалне кудалыштеш. Вагон омса-влак шкеак почылтыт да петырналтыт. Метрошто 11 станций уло. Габдулла Тукай лүмеш площадь эн моторлан шотлалтеш. Пырдыжлам сылнын сораастарыме. Турист-влак татар йомак-влак дене палыме лийын кертыт. Пошкудо республикын рудолаже кумылем савырыш.

Полина АЛЕКСЕЕВА.

Морко, Коркатово.  
Снимкыште: Полина ден Василиса Иванова.

Фотом еш архив гыч налме.



**Тўғалтышыже -  
икымше лаш-  
тыкыште.**

## Кок пачаш пиал


*Южо йыгыр-влак чылт икгай улыт,  
весишт ойыртемаптыт. Ача-ава-влак  
икгай вургемым, йолчиемым чиктат,  
ик семын йонгышо лўмым пуат. Кажныже  
икешотан лийже манын, мом ыштыман?*



Йошкар-Ола гыч Милана ден Злата **ЛЕБЕДЕВАМЫТ** (снимкыште ача-ава дене пырля) кок ийым теменыт. Коклаштышт пенгыде кыл шижалтеш. Пырля модыт. Койыш-шоктышышт тўрлў. Злата моткок писе, Милана ныжылге.

– Йыгыр йоча – ик тичмаш, но йўршын кок тўрлў айдеме. Тўс дене икгай улыт гынат, койыш-шоктышышт, шинчаончалтышышт дене ойыртемаптыт. Нунылан тўрлын йонгышо лўмым пуыман. Ача-ава-влаклан вургемым налме шотышто шоналтыман. Чылт икгайым огыл, тўрлў тўсаным чиктыман. Тыгодым йоча-влакын кумылыштымат шотыш налман. Ача-ава кажныж дене кутыраш жапым мушаш, шонымашыштым пален налшаш улыт. Кажне икшыве тўрлў Мутлан, коктынат ик по-

Калыккан психологик ден педагогике да социал полшышым пуышо «Доверие» республикысе рўдрын психолог-педагогшо **Т.СОЛОВЬЁВА** (снимкыште) тиде йодышлан икмыняр ой-канашым пуа:



челамутымак тунемыт гын, ик семын писын шарнен огыт код. Икте сайын мура гын, весе устан сўретла. Пўртўс нунылан тўрлў мастарлыкым пуэн. Кажныжын шке арверже лийшаш. Тыге гына нуно «тыйын» да «мыйын» манмым умылаш тунемыт. Пашаштлан мутым шке кучышаш улыт. Иктыже осал пашам ышта гын, когыныштымат вурсыман огыл. Шкешотан икшывым куштынеда гын, канаш-влакым шотыш налза.

**Х.АЛЕКСАНДРОВА.**

Фото-влакым еш архив гыч налме.

## «Ямде лий» – йолташ

«Ямде лийыш» куанен Серена пеш шольым ден. Мом ме ужын-колына, Тушко вигак возена.

Почеламутым шонена, Заметкымат сералтена. Тўткын лудын тўрлена Да газетыш колтена.

«Ямде лий» – эн сай йолташ, Кажнылан кўлеш налаш! Ме гын ямде улына, Тендамат пеш ўжына!  
**Аня АНДРЕЕВА.**  
Кужэнер, Тошто Йўледўр.

### Задаче

*Визымше классыште тунемше-влак 164 килограмм шоганым пел кечыште погеныт, кудымшо класс – 180 килограмм, шымше класс 220 килограмм пакчасаскам поген. Йоча-влак кечыгут погат гын, чылаже мыняр килограмм шоган лиеш?*

## Паша туныкта

Кельмаксола школ торашке шонанпылла волгалтеш. Тўрлў тўсан пеледыш йырым-йыр моторлыкым шава. Тыгай сўретым шочыкташ шагал огыл вийым пыштыман. Туныктышо ден тунемше-влак, эр шошым тўналын, лум вочмешке, школ воктенысе 15 сотык пакчаштыт лым лийде тыршат. Кызыт йоча-влак кенежымсе дежурствыш черет дене коштыт.

– *Пакчаште паша лың. Игече пеш шокшо шога, сандене вўдым эре шавыман, шўкшудым сомылыман. Теве шоганым поген налаш жап шуын* (снимкыште), – ойла школ пакчам вуйлатыше А.Н.Расолова.

Ялысе йоча пашалан изинек тунем кушкеш. Ача-авалан сурт коклаште полша, школ пакчаште кумылын тырша. А паша илаш туныкта, пайдам гына конда.



Авторын фотожо.

**В.ГОРОХОВА.**

Советский район.

# Курык олмеш – скалодром

8 август –  
Альпинизмын тўням-  
бал кечыже.

**Ф**  
**И**  
**З**  
**К**  
**У**  
**Л**  
**Ь**  
**Т**  
**-**  
**У**  
**Р**  
**А**



Кугу курык, шинчам йымыктарыше кече, писе мардеж, лўдыкшылык... Йошкар-Оласе «Альпика» клубыш коштшо-влакын



4 августлан Российын командже Олимпиадыште 52 медальым (13 шортнё, 21 ший, 18 той) сенен налын.

скалодромыш кўзымышт годым шинча ончылнышт тыгай сўрет сўретлалтеш. Клуб вуйлатыше В.В.Савельев альпинизм деч посна ик кечымат огеш эртаре. Тиде тудын илышыже.

– Республикыште Альпинизм федераций 40 ий ончыч почылтын. 1990-ше ийлаште тудым «Альпика» клуб алмаштен. Мый клубыш 2000 ийыште кошташ тўналынам, 2006 ий гыч тудым вуйлатем. Кызыт скалолазанийлан йоча да кугыев-влакым шўмаңдем, – ойла Вадим Вениаминович.

Шуко ег скалолазанийым спортын видшылан огеш шотло. Чынак мо? В.Савельев тыге вачештыш: «Скалолазаний – спортын ик эн оңай видше. Кызыт Токио олаште эртаралтше кеңежымсе Олимпиадыште скалолазаний дене икымше гана таңасымаш лийын».

Эн самырык альпинистлан американец Джордан Ромером шотлат. Тудо 13 ияш улмыж годым 2010 ийыште Эверест курыкыш кўзен.

Альпинизм дене кажне

гаяк таза ег кылым кучен кергеш. Ныл ияш гычак скалолазаний клубыш кошташ лиеш. Южгунам кум ияш икшыве-влакат пырдыжыш чулымын да лўдде кўзат.

– Тидлан спортсмен лияш огеш кўл. Кумыл гына лийже. Спортын тиде видшы пайдаже моткоч кугу. Тудо чогашылым виянда. Капкыл лывыргырак лиеш. Ёшанлын тарванылаш, писын шонач тунемат. Сўретым куштылгын шарнен кодат. Ушакыл пўсемеш, шкалан акым пуэн кертат. Нелылыкым куштылгын сенаш тўналат, – каласкала Вадим Вениаминович.

Скалолазаний дене кылым кучаш шонет гын, кугу курыкым кычалман огыл. Тидлан лўмын келыштарыме пырдыж, скалодром улыт.

**Х.АЛЕКСАНДРОВА.**

Фотом клубын архивше гыч налме.

## «Ареныште» келшен

Мый футболла модаш йоратем. Командына дене чўчкыдын сенгышыш лектына. Шукерте огыл Йошкар-Оласе «Арена» стадионысо таңасымаште лийынна. Тушто мыланна пеш келшен: кугу стадион, тўр ужар шудо. Мече почеш эре куржталме шуэш. Тыгай кугу стадионышто модмемлан моткоч йывыртенам.

Эльмир АНИСИМОВ.

У Торъял, Токтарсола.

## Оңай футбол

Мыйын уло йолташем,  
Тудын дене мый келшем.  
Коктын школыш коштына,  
Сай отметкым налына.

А кастене погынен  
Модына ме мече ден.  
Кычкырат чылан пеш: «Го-ол!»  
Ах, могай оңай футбол.

Аня АНДРЕЕВА.  
Кужэгер, Тошто Йўледўр.

## Тазалык да куан

Спорт – илышын рўдыжў.  
Тудын дене кажне йоча пенгыде кылым кучышаш. Южо ег куржталаш йората, а мыланем ече дене кошташ келша. Кажне кечын урок деч вара тренировкишко вашкем. Районышто эртаралтше кажне таңасымаште вий-куатем тергем. Чўчкыдын сенгыше-влак радмыш логалам. Спорт – тиде куан да тазалык.

Илья КОРЯКОВ.

Морко, Шўргыял.



## Мүкш – комиксыште

29 июль гыч 2 август марте Школьник-влакын рос-сийысе толкынышт Татарстан Республикыште «Экологийын лидерже-влак» сменым эртарен. Тушто Йошкар-Оласе 17-ше номеран школын 10-шо клас-сшым тунем пытарыше Денис ВИНОКУРОВ (снимкыште) лийын.

Рвезе Йошкар-Оласе Экологий да биологий йоча рүдеришке 5-ше класс гыч коштеш. Эн ончыч экологий да йырвел нерген тун шинчымашым налын. Кызыт кугурак проблеме-влакым лончыла. Шымлымаш пашаж дене шанче конференций-лашке ушна.

– Мый ончыч кушкыл-влакын экологийыштым шымленам. Айдеме ден шуки-копшанге-шамыч кокласе кыл оңайла чучын. Садлан кызыт мўки-влак нерген комиксым сўретленам, – оила Денис. – Машина мўки-влаклан изи огыл энгекым ышта. Тидым комиксыште ончыкте-нам. Йомак йоным кучылтынам. Ава ден икшы-ве ачам шыркам погаш колтат. Тудо машина гыч лекше уда газ дене аярга. Ме илышыште тидын нерген огына шоналте. Аяргыше южлан кўра мўки-влак вес вере чоҥештен каят. Пакчасе кушкылна-влакым огыт шырканде. Чылажат икте-весе дене чак кылдалтын.

Рвезылан пўртўсым шымлаш изи-нек келша. Ончыкыжым шочмо мландым айдемын энгекым кондымыж деч аралаш шона.

**Х.ГЕННАДЬЕВА.**

Фотом еш архив гыч налме.




## Шкаланна энгек

Уремыште, пасушто, олыкышто шўкым кышкена гын, шкаланна энгекым ыштена огыл мо? Гўжлышў чодыра, ужар шудо, сўрал пеледыш огыт лий гын, мо дене шўлаш тўналына? Яндар вўд огеш код гын, могай вўдым йўуна? Йыр улшо тўням лавыртена гын, мом куанен ончаш тўналына? Садлан пўртўсым аралыман.

Южо ең-влак машина дене кудал эртымышт годым окна гыч шўкым кудалтат. Мый почешышт корандаш тыршем. Мыйым авам изи годсек пўртўсым аралаш да тудын моторлыкшым ужын мошташ тунукта.

**Костя ШЕХУРДИН.**  
Шернур,  
Кукнур.



### Калыкыште ойлат

Август – кеҥеж ден шыже кокласе межа.

Август шолта, сентябрь ўстембаке пога.

Августышто йўд кужу, вўд йўштў

Август кечым кўчыкемден, йўдым кужемден.



Фотом еш архив гыч налме.



## Теныз ок колто

Тений ме Крымште каненна. Пўртўсшў могай мотор! Экскурсийже мыняре! Икмынарышыкыже меат миенна. Белогорск олаште «Тайган» парк уло. Тушто тўрлў янлык ден кайык илат. Лев ден тигр-влакын игышт дене модаш да пырля войзалташ лиш (снимкыште). Коктебель посёлкысо дельфинарийым шуко жап шарнаш тўналам. Дельфин-влак пеш мотор улыт. Канаш сай. Теныз мўнгў ынеж колто ыле.

**Дима АЛЕСИН.**

Шернур посёлко.



## Эн лишыл вер

Шочмо Кельмаксола ялем моло ял деч нимо дене ок ойыртемалт. Йыраваш ужар чодыра, ото-влак, ший гай йылгыжше пўя – чылажат шочмо кундемем сўрастара. Кельмаксола кечмогай пагытыште эн сылне да лишыл. Мотор пўртўслан куанен, кайыкат сылне мурыжым муралта, калыкынат у пашалан кумылжо нўлталтеш. Пошкудовлак икте-весеылан полшат, пайремым пырля эртарат. Нимогай поянлык шочмо ялемым алмаштен ок керт.

**Анна ПЕРМЯКОВА.**  
Советский район.

Марий пўртўсым Чонышто ашнем.

**Семен НИКОЛАЕВ.**

## Марий лўман пинеге



Ныл йолан йолташна

эре воктенем. Уремышке лекмемым  
ужешат, вигак омса дек кудал мия.  
Йыраныште шўкшудым кўрын пытары-  
мешкем, пеленем шинча. Олыкыш снегим  
погашат пырля миен. Маруся – ушан  
пырыс.

### Маруся

Маруся пы-

рысем шым

ияш. Тудо мы-

йым моткоч йө-

рата. Кушко ом кае,

эре воктенем. Уремышке лекмемым

ужешат, вигак омса дек кудал мия.

Йыраныште шўкшудым кўрын пытары-

мешкем, пеленем шинча. Олыкыш снегим

погашат пырля миен. Маруся – ушан

пырыс.

Богдан ГАВРИЛОВ.

Морко, Тыгыде Морко.

### Синквейн

Тигра  
Изи, ушан.

Модеш, вашлиеш, мала.  
Портыштө колям куча.

Пырыс.

Р.АНТРОПОВА.

Советский, Ёрша.

### Кагаш

Кинолог-  
влакын ойышт почеш,  
пийым ўмыржө мучко  
туныктыман.

➔ 2-3 тылзаиш пинегым «Мич», «Кондо»,  
«Йолетым пу» заданий-влаклан туныктаиш тўналман;

➔ ик кечыште 2-5 гана ушештарыман;

➔ пинеге озажын йўкшыш палышаш, заданийлам шук-  
таш туныктымо годым пенгыдылыкым ончыктыман;

➔ тўрлө заданийым пуымо годым интонацийым  
ваштаалтыман;

➔ пинеге мутым ок колышт гын, нигунам кырыман  
огыл.

### Пырысиге мом йөрата?

Пырысем моткоч онай,  
Чылт коляиге гай.  
Сур тўсан, кужу почан,  
Мамык гай мотор пуан.


Даниил РОМАНОВ.  
Волжский, Йывансола.

## Малыш шижеш

Уремышке вашкен лектам,  
Малыш пием кычкыралам.  
Ойлем тудлан: «Йолташ,  
Каена мо йўштылаш?»  
Ме каена, пеш каена  
Да вўд воктеке шуына.  
Пашма йымачын, томаша,  
Трук лекте кишке, ах, паша!  
Малыш пиемже пеш шижеш –  
Тышечын шикшалташ кўлеш.  
Мый почешыже куржам.  
«Йолташ, тый вучо-ян», – манам.  
Лач тыгай пием улмаш,  
Малышемже – чын йолташ!

Эмилия АЛЕКСАНДРОВА.

Морко, Коркатово.



## Рывыж гай Тузик

Ныл йолан йолташемлан Тузик лўмым пуэнам. Тений туд-  
лан ныл ий темын. Тузик чылт рывыж гай коеш. Шинчаже  
шешптыр гай, пылышыже кеча, почшо пўтырналтше.  
Тузик модаш пеш йөрата. Пием  
йолым пуэн, тоям конден мошта,  
«шич» да «кий» мут-влакым  
умыла. Иктаж-кушко каена гын,  
ныл йолан йолташна эре пырля  
мия. Тудо кўтўмат кўташ полша.  
Тузикым эн лишыл да ўшанле йол-  
ташемлан шотлем.

Алёна ЧАПИШЕВА.

Волжский, Сотнур.

Авторын сўретше.



## Мырлыше пырыс ден Пик-пик

Ик Пик-пик лўман коля  
Лийын пешак чот коя.  
Толын пырыс ик гана,  
Йодын туддеч: «Кө кана?»  
Ты Пик-пик лўман коля  
Пелештен тугак олян:  
«Пашалан чот ёрканем,  
Эре ёрдыжтө канем!»  
«Паша деч посна йомат,  
Погына эше коят...» —  
Пырыс шыргыжын чоян.  
Коля шижылден шоям...  
Да чымалтын вашкерак,  
Тўргалт кодын сур пурак!  
...Кушто пырыс-влак илат,  
Тушто ок иле коля!

С.ГРИГОРЬЕВА.

## Паша шуко

Мый школышко дежурствыш вич кече коштынам. Йыраңлаште шүкшудым кўрынна, вўдым шавенна. Школ пакчаште паша шуко. Кенежым пўжвўдым йоктарена, а телым канена. Калыкыште ойлат: «Кенеж телым пукша». Йоча-влак, а те кенеж канышдам кузе эртареда?

Юля ЯГОДАРОВА.

Советский, Кельмаксола.



Фотом еш архив гыч налме.

## Юарлыме жап

Шокшо кенеж кечын, велосипедыш шинчын, йолташем-влак дене Элнетыш йўштылаш коштына. Серыште юарлаш моткоч йоратена. Кенеж жаплан ялышке олала гыч толшо йоча-влак шукин улыт. Ятырже дене йолташ лийна. Июль тўналтыште школ пакчашке вўдым шаваш, шўкшудым кўраш, мландым пушкыдемдаш коштына. У йолташем-влакат полшышт. Кенеж пагыт поро шарнымашым веле пўлекла.

Оля ЛЕБЕДЕВА.

Волжский, Сотнур.

Кенеж каникулым пайдалын эртарем. Авамлан сурт сомылкам ышташ полшем. Йолташ ўдырем-влак дене тўрлў модыш дене модына, емыж-саскам погена. Олыкыш мотор пеледышым погаш коштына.

Кира ВЕСЕЛОВА.

У Торъял, Токтарсола.

## Витаминлан поян саска

Тений емыж-саска, пакчасаска лынак шочыныт. Окинаш амал уке. Ме телылан шапашым ямдыленна. Эңыж, шоптыр, олыкмўр гыч вареным шолтенна. Тўрлў саска гыч компотым ыштенна. Кияр ден помидорым шинчалтенна. Кабачок гыч икрам пеш йоратена, сандене лынак ямдыленна. Теве кызыт сад-пакчаште олма, сливе лўзангыт. Сливе поснак пайдале. Организм гыч холестериным луктеш, шолым эрыкташ полша. Сливыште А, С, В, РР витамин-влак улыт. Кенежым тўрлў саскам, фруктым кочкашак тыршыман.

Дима ВЕДЕНЬКИН.

Мастар кид

Шернур, Чылдемыр.

## 8 август – Чонгышын кечыже.



Сўретым ончен, пырыслан пўртым кагаз коробка гыч кельштарыза. Пунктир лийнй почеш пўчкын лука. Пырыслан пушкыдо лийже манын, пўрт кўргыш пушкыдо куэмым пыштыза.

## Изи мўкшиге

Подкогыльылан руашым йўштў вўдеш але шўреш лугыман.

Ложашым шоктман.

Вўд шолаш пурымеке гына, подкогыльым пыштыман.

Каструль пундашеш ынже пиж манын, эркин пудыратыман.



## Синквейн

Подкогыльо  
Мотор, тамле.

Тўрлена, шолтена, кочкына.  
Авам мылам эре кўштеш.

Кочкыш.

Артём МОЧАЛОВ.  
Советский, Ёрша.



Когыльым кочкаш  
пеш сай  
Да кўэшташат онгай.  
Комым Илюшна йўра,  
Ну кокам ўрыктара!

В.ГОРОХОВА / фотожо.

«Ямде лий» йоча газет  
Тўн редактор  
Л.Н.ГРИГОРЬЕВА.  
Индекс: П4696.  
Тираж 1550 экз. Заказ  
Формат – А-4-8.

[https://vk.com/yamde\\_lii](https://vk.com/yamde_lii)  
<https://ok.ru/yamdelii>  
E-mail: [yamde\\_lii@mari-el.ru](mailto:yamde_lii@mari-el.ru)  
(документ кагазлан),  
[yamde\\_lii@mail.ru](mailto:yamde_lii@mail.ru)  
(автор-влаклан)  
Сайтын адресше: ямделий.рф

УЧРЕДИТЕЛЬ-ВЛАК: Мари  
Эл Республикысе  
культура, печать да калык-  
влакын пашашт шотышто  
министерстве, «Ямде лий»  
газет редакций.

Газетым редакцийыште погы-  
мо да верстатлыме, «Марий Эл  
Республикысе Правительствын типографийже» ООО-што  
ямде оригинал-макет гыч савыктыме. Типографийын  
адресше: 424000, Йошкар-Ола, Комсомольский урем, 112.

Газетым Массовый коммуникаций  
сферыште да культур наследийым  
аралымаште законодательствым шук-  
тен шогымым эскерыше Федеральний  
службын Приволжский федеральный  
округысо управленийыштыже регис-  
трированылме.  
Номер – ПИ №ФС 18-1999,  
2005 ий 10 февральыште пуымо.

0+

Печатьыш пуымо жап –  
14-00,  
фактически – 13-00

Авторын да редакцийын шоныма-  
шышт тўрлў лийын кертыт. Серыш-  
влак мўнгеш огыт колталт.  
Ак – кутырен келшыме почеш.

Редакцийын да издательын адресше:  
424006, Йошкар-Ола, СССР Вооружённый  
Вийын 70-ше идалыкше урем, 20-шо пўрт.  
Тел. 8(8362) 45-22-82(факс)





Ульяна ден Аня  
**САВИНОВАМЫТ.**  
Волжский, Пётъял.



Женя ден Вова  
**ГРИГОРЬЕВМЫТ.**  
Морко, Унчо.




**Конкурс**



Ваня ден Илья  
**ТИХОНОВМЫТ.**  
Йошкар-Ола.

- 1
- 2
- 3
- 4
- 5
- 6
- 7
- 8
- 9
- 10

Сүрөтүм  
чиялтыза.





**«К» буква дене**

Кенеж. Катя кожлаште коштын, куэвонгым, курезым конден. Коваже курезлан куанен. Кастене коктын куанен кочкыныт. Соня **ЛЕБЕДЕВА.** Советский, Ырша.

**Тушто**

Парня кутыш веле – терке ушым ушмалын.

**Шотлыза:**



**Кроссворд**

«Э» буква дене тўналше мут-влакым палыза.



**Шола гыч пурлашке:**

2. Сылнымут определений. 3. Шўлыккан лирический почеламут. 4. Суткан ужашыже. 5. Тумлеге (диалект). 6. Тазалык.

**Кўшычын ўлыкō:**

1. Тыматле (диалект). 3. Ойго (диалект). 4. Суртводж. 6. Кече лекме вер.

**В.СМИРНОВ.**

Интернетысе сүрөт-влакым кучылтмо.